

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: 03-33-413/2021
Sarajevo, 20.05.2021. godine

Primljeno: 20-05-2021			
Org. Jed.	Broj	Priloga	Vrijednost
01, 02	- 33 -		253/21

**PARLAMENT FEDERACIJE
BOSNE I HERCEGOVINE**

- **Predstavnički/Zastupnički dom-
gosp. Mirsad Zaimović, predsjedavajući**
- **Dom naroda –
gosp. Tomislav Martinović, predsjedavajući**

Poštovani,

U prilogu Vam dostavljam **INFORMACIJU O EPIDEMIOLOŠKOJ SITUACIJI COVID-19 U FEDERACIJI BOSNE I HERCEGOVINE NA DAN 17.05.2021. GODINE, S PRIJEDLOGOM NAREDBI I PEPORUKA KRIZNOG ŠTABA FEDERALNOG MINISTARSTVA ZDRAVSTVA**, koje je Vlada Federacije Bosne i Hercegovine usvojila na 266. sjednici, održanoj 20.05.2021. godine.

S poštovanjem,



PREMIJER
Fadil Novalić
Fadil Novalić

GOVERNMENT

Na temelju članka 19. stavak (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), na prijedlog federalnog ministra zdravstva i predsjedatelja Kriznog stožera Federalnog ministarstva zdravstva, a u cilju realizacije Zaključka Vlada Federacije Bosne i Hercegovine V. broj: 21/2021 od 08.01.2021. godine donijetog s ciljem provedbe Odluke o dopustivosti i meritumu Ustavnog suda Bosne i Hercegovine u predmetu E.Š. i dr. broj: AP-3683/20, Vlada Federacije Bosne i Hercegovine, na 266. sjednici održanoj 20.05.2021. godine, donosi

ZAKLJUČKE

**o usvajanju Informacije o epidemiološkoj situaciji COVID-19 u
Federaciji Bosne i Hercegovine na dan 17.05.2021. godine s prijedlogom naredbi i
preporuka Kriznog stožera Federalnog ministarstva zdravstva**

1. Usvaja se Informacija o epidemiološkoj situaciji COVID-19 u Federaciji Bosne i Hercegovine na dan 17.05.2021. godine s prijedlogom naredbi i preporuka Kriznog stožera Federalnog ministarstva zdravstva.
2. Usvajaju se Naredbe Kriznog stožera Federalnog ministarstva zdravstva koje su sastavni dio ovih zaključaka (Privitak 1.).
3. Usvajaju se Preporuke Kriznog stožera Federalnog ministarstva zdravstva koje su sastavni dio ovih zaključaka (Privitak 2.).
4. Naređuje se vladama kantona, odnosno kantonalnim stožerima ministarstava zdravstva uvođenje restriktivnijih mjera spram procjene epidemiološke situacije u kantonu, odnosno općini uz redovito obavješćavanje Kriznog stožera Federalnog ministarstva zdravstva.
5. Naredbe i Preporuke Kriznog stožera Federalnog ministarstva zdravstva donose se sa rokom važenja od 14 dana računajući od dana, 20.05.2021. godine, koji se utvrđuje kao dan početka primjene ovih naredbi i preporuka.
6. Prije isteka roka iz točke 5. ovih zaključaka, zadužuje se Krizni stožer Federalnog ministarstva zdravstva da sagleda kompletnu epidemiološku situaciju COVID-19 u Federaciji BiH i sačini procjenu rizika, a radi razmatranja mogućnosti i potrebe izmjene naredbi i preporuka utvrđenih ovim zaključkom, te prema Vladi Federacije Bosne i Hercegovine dostavi prijedlog novih naredbi i preporuka.
7. Zadužuje se Krizni stožer Federalnog ministarstva zdravstva da ove zaključke sa priložima dostavi prema kriznim stožerima kantonalnih ministarstava zdravstva, kantonalnim ministarstvima zdravstva, zdravstvenim ustanovama s područja kantona putem kriznih stožera kantonalnih ministarstava zdravstva, Kliničkim centrima u Federaciji BiH, općim, kantonalnim i specijalnim bolnicama putem kriznih stožera kantonalnih ministarstava zdravstva, Federalnoj i kantonalnim upravama za inspeksijske poslove i Upravama policija MUP-a kantona.
8. Sukladno Zaključku V. Broj: 21/2021 od 08.01.2021. godine pod točkom 4., Vlada Federacije Bosne i Hercegovine će izvjestiti Parlament Federacije Bosne i Hercegovine o epidemiološkoj situaciji u Federaciji Bosne i Hercegovine i mjerama Vlade Federacije Bosne i Hercegovine koje su donesene u cilju zaštite zdravlja građana i smanjenja rizika za širenje virusa, na 266. sjednici održanoj dana 20.05.2021. godine.
9. Ovi zaključci stupaju na snagu danom donošenja i objavit će se u "Službenim novinama Federacije BiH".

V. broj: 213/2021
20.05.2021. godine
Sarajevo

PREMIJER
Fadil Novalić

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO
ZDRAVSTVA

BOSNIA AND HERZEGOVINA
FEDERATION OF BOSNIA AND
HERZEGOVINA
FEDERAL MINISTRY OF HEALTH

**INFORMACIJA
O EPIDEMIOLOŠKOJ SITUACIJI COVID-19 U FEDERACIJI BOSNE I
HERCEGOVINE NA DAN 17.05.2021. GODINE S PRIJEDLOGOM
NAREDBI I PREPORUKA KRIZNOG STOŽERA
FEDERALNOG MINISTARSTVA ZDRAVSTVA**

Sarajevo, svibanj 2021. godine

Cilj Informacije je realizacija provedbe Odluke o dopustivosti i meritumu Ustavnog suda Bosne i Hercegovine u predmetu E.Š i dr. broj: AP-3683/20, te s tim u svezi ispunjavanje obveza iz točke III. stavak (1) Odluke o proglašenju prestanka stanja prirodne nesreće uzrokovane pojavom koronavirusa (COVID-19) na području Federacije Bosne i Hercegovine („Službene novine Federacije BiH“, br. 34/20 i 5/21).

Uz informaciju se daje kompletan pregled epidemiološke situacije COVID-19 u Federaciji Bosne i Hercegovine, te prijedlozi naredbi i preporuka Kriznog stožera Federalnog ministarstva zdravstva.

Epidemiološka situacija COVID-19 u Federaciji BiH – 17.05.2021.

UKUPAN BROJ TESTOVA

654723

UKUPNO POTVRĐENIH

132583

UKUPNO IZLIJEČENIH

119767

UKUPNO UMRLIH


5150

UKUPNO AKTIVNIH

7666

Prema podacima dostavljenim Zavodu za javno zdravstvo FBiH u Federaciji BiH, zaključno s 17.05.2021. u 12h, registrirano je 132 583 laboratorijski potvrđena slučaja COVID-19 bolesti i 5150 smrtnih slučajeva povezanih s COVID-19. Trenutno je evidentirano 7666 aktivnih slučajeva COVID-19.

Grafikon 1. Distribucija laboratorijski potvrđenih slučajeva COVID-19, Federacija BiH (do 17.05.2020. u 12h)




Plava linija – dnevni broj novih slučajeva, crvena linija – sedmodnevni prosjek broja novih slučajeva.

Tablica 1. Broj i incidenca laboratorijski potvrđenih i smrtnih slučajeva COVID-19 prema kantonima, Federacija BiH 17.05.2021.

KANTON	Ukupan broj potvrđenih slučajeva	Incidenca na 100.000	Slučajevi u zadnjih 7 dana	7-dnevna incidenca na 100.000	Broj smrtnih slučajeva	Smrtnost na 100.000
Unsko-sanski kanton	4736	1768	45	16.8	236	88.1
Posavski kanton	1758	4251.9 2	28	67.72	102	246.7
Tuzlanski kanton	20112	4583.2 9	149	33.96	1013	230.85
Zeničko-dobojski kanton	10441	2914.1	39	10.88	1072	299.2
Bosansko-podrinjski kanton	1790	7768.7 6	9	39.06	81	351.55
Srednjobosanski kanton	6063	2426.3 7	27	10.81	525	210.1
Hercegovačko-neretvanski kanton	27920	12868. 14	122	56.23	483	222.61
Zapadnohercegovački kanton	8817	9441.5 6	31	33.2	249	266.64
Kanton Sarajevo	45978	10934. 23	116	27.59	1258	299.17
Kanton 10	4968	6209.6 9	48	60	131	163.74
Federacija BiH	132583	6053.7 5	614	28.04	5150	235.15

Na nivou Federacije BiH, 7-dnevna incidenca iznosi 28 slučajeva/100.000 stanovnika. U posljednjih sedam dana, najviša 7-dnevna incidenca je zabilježena u Posavskom kantonu, Kantonu 10 i Hercegovačko-neretvanskom kantonu.


Grafikon 2. Incidenca laboratorijski potvrđenih slučajeva COVID-19 prema dobnim skupinama po tjednu, Federacija BiH 17.05.2021.




Smrtni slučajevi

Do 17.05.2021 u 12h Zavodu za javno zdravstvo FBiH prijavljeno je 5150 smrtnih slučajeva povezanih s COVID-19. Prema dobnj strukturi, osobe starije od 60 godina čine 81,8%, a prema spolnoj strukturi, muški spol je zastupljen s 59,9%.

Grafikon 2. Distribucija smrtnih slučajeva od COVID-19 po dobi i spolu, Federacija BiH (do 17.05.2021. u 12h)



Grafikon 4. Distribucija smrtnih slučajeva od COVID-19 po tjednu, Federacija BiH (do 17.05.2021. u 12h)



Hospitalizirani

U FBiH na bolničkom liječenju trenutno je 359 osoba zbog COVID-19 bolesti, od kojih je 17 na invazivnoj mehaničkoj ventilaciji.

Tjedni indikatori

U 18. tjednu svi tjedni indikatori su u padu. Najveći pad bilježi broj pacijenata COVID-19 na respiratoru, broj smrtnih slučajeva zbog COVID-19 i broj novih potvrđenih slučajeva COVID-19.

Tablica 2. Tjedni indikatori, Federacija BiH 17.05.2021.

Tjedni indikatori	19 tj	18 tj	promjena
Broj novih potvrđenih slučajeva COVID-19	592	1042	-43,2%
7-dnevna incidenca	28	49	-42,8%
Ukupan broj hospitaliziranih pacijenata od COVID-19 na kraju tjedna	359	550	-34,7%
Broj pacijenata COVID-19 na respiratoru	17	32	-46,8%
Broj smrtnih slučajeva zbog COVID-19	76	87	-12,6%

**Izveštaji o broju izvršenih PCR testova iz privatnih laboratorija iz KS nepotpuni.*

Ukupan broj vakcinisanih u Federacija BiH po kantonima (period 08.03. – 16.05.2021. godine)			
Kanton	Ukupno administriranih doza cijepiva protiv Covid-19	Vakcinisani prvom dozom	Vakcinisani drugom dozom
Unsko-sanski	6354	5574	780
Posavski	1483	1166	317
Tuzlanski	12561	11793	768
Zeničko-dobojski	9433	8027	1406
Bosansko-podrinjski	848	642	206
Srednjo-bosanski	6907	5878	1029
Hercegovačko-neretvanski	7806	6660	1146
Zapadno-hercegovački	3101	2643	458
Sarajevski	25681	23969	1712
Kanton 10	959	959	0
UKUPNO	75133	67311	7822

* Nisu dostavljeni podaci o broju vakcinisanih osoba iz 2 kantona za predhodnu sedmicu

Količine vakcina zaprimljene od strane ZZJZFBiH (period 08.03. – 16.05.2021. godine)

Vrsta	FBiH – zaprimljeno doza	Napomena
Pfizer	15.210	COVAX mehanizam (uzeto 6 bočica za analizu)
AstraZeneca	10.000	10.000 donacija od Reublike Srbije Federaciji (uzeto 60 doza na analizu od strane ALMBiH)
AstraZeneca	10.000	Donacija Republike Srbija Kantonu Sarajevo
AstraZeneca	17.100	Covax mehanizam
Sinovac	17.980	Donacija Republike Turske za FBiH (uzeto 40 doza za analizu)
Sinovac	400	Donacija Republike Turske za FBiH za vakcinaciju turskih zaposlenika u ambasadi Turske
Sinovac	10.000	Donacija Republike Turske za FBiH za vakcinaciju policije
Sinofarm	30.360	Donacija Republike Kine za FBiH (raspodjela na teren kreće od 05.05.2021. godine)
Pfizer	5.850	EU4Health
Pfizer	5.850	Covax mehanizam
AstraZeneca	500 (-40)	Donacija UN za potrebe vakcinacije UN zaposlenika i članove njihovih porodica
UKUPNO	123.250	

Procjena rizika

U proteklom tjednu u Federaciji BiH zabilježena je incidenca od 28/100 000 stanovnika, kao i pad svih tjednih indikatora, što upućuje na daljnje poboljšanje epidemiološke situacije i umjereni prijenos virusa u zajednici. U promatranju incidence treba uzeti u obzir i vjerske praznike koji su utjecali na manji broj testiranja na SARS-CoV-2 i posljedično nižu incidencu. Potrebno je daljnje održavanje dodatnih protuepidemijskih mjera kako bi se prijenos virusa držao pod kontrolom.

U cijeloj Europi bilježi se sedmodnevni pad slučajeva, iako je u većini europskih zemalja transmisija virusa i dalje na visokoj razini. Važno je naglasiti i nove loze koje su prvi put zabilježene u Indiji u prosincu 2020. godine, SARS-CoV-2 loze B.1.617.1, B.1.617.2 i B.1.617.3 koje se sve češće otkrivaju i u drugim zemljama i predstavljaju potencijalni rizik za novi porast slučajeva COVID-19.

Tijekom posljednja dva mjeseca Indija i neke okolne zemlje zabilježile su nagli porast broja prijavljenih slučajeva COVID-19 i smrtnih slučajeva. To je povezano s porastom udjela sekvenciranih virusa koji pripadaju lozama B.1.617.1 i B.1.617.2. U Europi postoje naznake da se učestalost otkrivanja obje loze B.1.617.1 i B.1.617.2 povećava.

Trenutno opisane loze B.1.617.1, B.1.617.2 i B.1.617.3 imaju različite profile mutacije i zahtijevaju individualnu procjenu. S obzirom na još uvijek vrlo ograničene dostupne podatke o prenosivosti, težini bolesti i potencijalu izbjegavanja imunološkog sustava u odnosu na druge varijante SARS-CoV-2 koje su prisutne u Europi, puni utjecaj ovih loza na javno zdravlje još nije moguće procijeniti.

Uvođenje cijepljenja protiv COVID-19 i dalje bi trebalo biti glavni prioritet u smanjenju smrtnosti od COVID-19 cijepljenjem osoba u riziku od teške bolesti u najkraćem mogućem roku.

Obuhvat cjepivom COVID-19 i dalje je na niskim razinama u svim zemljama Europe, tako i u Federaciji BiH, te se savjetuje oprez u ublažavanju trenutnih nefarmaceutskih mjera, uključujući i one povezane s putovanjima.

II. – PRIJEDLOG PREPORUKA I NAREDBI

Cijeneći epidemiološku situaciju COVID-19 u Federaciji BiH, sa procjenom rizika, Krizni stožer Federalnog ministarstva zdravstva je dana, 17.05.2021. godine održao sjednicu na kojoj su usvojeni prijedlozi naredbi i preporuka u cilju zaštite pučanstva od COVID-19 i sprječavanja daljnje transmisije ove zarazne bolesti.

Sastavni dio ove Informacije su predložene naredbe (**Privitak 1.**) i predložene preporuke (**Privitak 2.**).

Privitak 1.

NAREDBE KRIZNOG STOŽERA FEDERALNOG MINISTARSTVA ZDRAVSTVA

I. OPĆE NAREDBE

1. Naređuje se vladama kantona, odnosno kantonalnim kriznim stožerima donošenje restriktivnijih mjera u odnosu na mjere iz ove naredbe shodno procjeni epidemiološke situacije, a koja se temelji na tjednoj incidenci zaraženih, broju hospitaliziranih pacijenata, broju pacijenata koji koriste respiratornu potporu i raspoloživosti svih resursa u zdravstvu (tehničkih, ljudskih i dr.).

2. Naređuje se obvezno nošenje zaštitnih maski preko usta i nosa za zaštitu respiratornog sistema u zatvorenom prostoru i uz poštivanje distance od minimalno 2 metra.

Nalaže se obvezno nošenje maske i na otvorenom prostoru, ukoliko se ne može ostvariti distanca od 2 metra. Obavezno je nošenje maski na autobuskim, tramvajskim trolejbuskim, minibuskim stajalištima, peronima i pijacama/otvorenim tržnicama i na drugim mjestima gdje se primjeti veća fluktuacija stanovništva.

Izuzetak od nošenja zaštitnih maski su:

- djeca mlađa od šest godina, osobe koje imaju probleme sa disanjem zbog hroničnih bolesti ili koja ne mogu skinuti masku bez pomoći druge osobe npr. osobe sa intelektualnim poteškoćama ili smetnjama u razvoju, osobe s oštećenjem sluha,
- učenici osnovnih škola od 1. do 5. razreda tijekom obavljanja nastave u učionicama,
- sportisti na utakmicama, treninzima i sportskim aktivnostima, vozači na biciklu, električnom romobilu i motociklu;
- članovi iste porodice koji na otvorenom prostoru ne ostvaruju distancu od 2 metra.

3. Dozvoljeno je okupljanje ljudi na određenom prostoru pod sljedećim uvjetima:

- ne više od 30 ljudi u zatvorenom prostoru,
- ne više od 70 ljudi na otvorenom prostoru.

Sva okupljanja unutar navedenih ograničenja moraju se odvijati u prostoru koji omogućuje obveznu fizičku distancu od najmanje 2 metra između osoba (osim članova istog kućanstva).

S ciljem smanjivanja rizika od COVID-19, kao i zaštite osobnog zdravlja, za vrijeme okupljanja, potrebno je obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera). Za provođenje mjera na skupovima odgovorni su organizatori okupljanja. Organizator je dužan izvršiti prijavljivanje održavanja skupa sukladno propisima o javnom okupljanju, kao i kriznim stožerima kantonalnih ministarstvima zdravstva.

4. Nalaže se kriznim stožerima kantonalnih ministarstava zdravstva, da na temelju procjene COVID-19 epidemiološke situacije na području kantona, reduciraju broj osoba, od maksimalno dozvoljenog broja osoba u otvorenom i zatvorenom prostoru sukladno točki 3. ove naredbe, na skupovima koji se održavaju, poput: političkih skupova, vjenčanja, svadbe, krizmi, sprovoda, dženaza i drugih obiteljskih okupljanja i sličnih događaja, a u cilju sprječavanja širenja infekcije COVID-19 među pučanstvom, kao i zaštite osobnog zdravlja i javnog zdravlja pučanstva.

5. U uvjetima COVID-19 epidemiološke situacije u Federaciji BiH naređuje se striktno poštovanje preporuka Zavoda za javno zdravstvo Federacije Bosne i Hercegovine, za sve one na koje se preporuke odnose, a koje su dostupne na www.zzjz.fbih.ba i to:

- preporuke za državljane BiH i strane državljane koji ulaze u BiH;
- preporuke - javni prevoz;
- preporuke za muzeje, galerije, kina i sl.;
- preporuke za ugostiteljske objekte;
- preporuke za škole u kontekstu COVID-19 za školsku 2020/2021. godinu;
- preporuke - vrtići;
- preporuke za stomatološke ordinacije;
- preporuke - trajni smještaj i zbrinjavanje;
- preporuke za sportsko-rekreativne aktivnosti-dopuna;
- preporuke za rad hotela;
- preporuke za trgovine, uslužne djelatnosti, tržne centre;
- preporuke- proslave;
- preporuke za rad studentskih domova u kontekstu COVID-19,

6. Naređuje se Federalnoj upravi za inspekcijske poslove i kantonalnim upravama za inspekcijske poslove, kao i inspekcijama organiziranim pri mjerodavnim ministarstvima u kantonu, odnosno mjerodavnim općinskim i gradskim inspektorima da kontinuirano kontroliraju provođenje Naredbe pod toč. 2, 3, 4 i 5. ovog poglavlja, te sukladno svojim ovlastima poduzimaju mjere iz okvira svoje mjerodavnosti, koja uključuje pokretanje kaznenih prijava protiv počinitelja za koje se postavi osnovana sumnja da ne izvršavaju naredbe u uvjetima pandemije COVID-19 za kaznena djela kažnjiva po Kaznenom zakonu Federacije BiH.

7. Traži se od mjerodavnih uprava policije i mjerodavnih tužiteljstava žurno postupanje po podnijetim kaznenim prijavama iz točke 6. ove Naredbe, sukladno njihovim ovlastima.

II. NAREDBE ZA KRIZNE STOŽERE KANTONALNIH MINISTARSTAVA ZDRAVSTVA I USTANOVE I DRUGE SUBJEKTE U OBLASTI ZDRAVSTVA

1. Obvezuju se krizni stožeri kantonalnih ministarstava zdravstva, kao i zdravstvenih ustanova s područja kantona, da redovito revidiraju krizne planove pripravnosti i odgovora na pojavu novog koronavirusa (COVID-19), spram promjene epidemiološke situacije na području kantona ili lokalne zajednice.

2. Nalaže se svim zdravstvenim ustanovama na području Federacije BiH, da nastave sa kontinuiranim provođenjem i primjenom kantonalnog kriznog plana pripravnosti odgovora na pojavu COVID-19, a naročito mjera koje se odnose na hospitalizaciju osoba i drugih mjera prema izvorima zaraze sukladno revidiranom dokumentu „Upravljanje slučajem COVID-19 i osiguranje kontinuiteta zdravstvenih službi- prijenos o zajednici“.

3. U uvjetima povoljne epidemiološke situacije, kakva se bilježi trenutačno, nalaže se svim zdravstvenim ustanovama na području Federacije Bosne i Hercegovine obvezno pružanje svih zdravstvenih usluga za koje su registrirani.

4. Nalaže se kriznim stožerima kantonalnih ministarstava zdravstva, da budu spremni za slučaj zbrinjavanja većeg broja oboljelih u zdravstvenim ustanovama sukladno odredbama Zakona o zaštiti pučanstva od zaraznih bolesti (“Službene novine Federacije BiH”, broj 29/05), a sukladno epidemiološkoj situaciji.

Nalaže se kantonalnim ministrima nadležnim za zdravstvo da:

- preduzmu mjere i aktivnosti u smislu angažovanja zdravstvenih radnika, organizacije i rasporeda rada i radnog vremena, promjene mjesta i uvjeta rada pojedinih zdravstvenih ustanova, a sukladno epidemiološkoj situaciji.;
- sukladno Smjernicama Svjetske zdravstvene organizacije, za nove varijante SARS-COV-2 koje izazivaju i povećan prijenos u zajednici u zemljama, od 01.02. februara-2021.godine, a u cilju osiguranja kontinuiteta pružanja zdravstvenih usluga, u suradnji sa zdravstvenim ustanovama izrade liste zdravstvenih usluga koje se moraju pružati na području kantona, a sukladno epidemiološkoj situaciji u kantonu i raspoloživim kapacitetima.

5. Zadužuju se zavodi za javno zdravstvo kantona da pojačaju nadzor nad provođenjem i primjenom kantonalnog kriznog plana pripravnosti i odgovora na pojavu novog koronavirusa COVID-19.

6. U zdravstvenim ustanovama, bez obzira na oblik vlasništva, kao i privatnim praksama, obvezno je provođenje trijaže i pridržavanje striktnih mjera za prevenciju i kontrolu infekcije i praćenje općih i specifičnih preporuka radi sigurnosti osoblja i pacijenata u kontekstu COVID-19.

7. Nalaže se kriznim stožerima kantonalnih ministarstava zdravstva da u svim zdravstvenim ustanovama na području kantona, bez obzira na oblik vlasništva, kao i privatnim praksama, te u kliničkim centrima u Federaciji BiH, organiziraju pružanje zdravstvene zaštite spram procjene epidemiološke situacije u kantonu, te sukladno kriznim planovima kantona, kao i kriznim planovima zdravstvenih ustanova.

8. Nalaže se kliničkim centrima u Federaciji BiH, kao općim, kantonalnim i specijalnim bolnicama u Federaciji BiH da osiguraju 30% svojih kapaciteta za hospitalizaciju i liječenje pacijenta oboljelih od COVID-19. Za provođenje ove naredbe odgovorni su ravnatelji i upravna vijeća zdravstvenih ustanova, svako u okviru svojih zakonom utvrđenih nadležnosti.

Sukladno epidemiološkoj situaciji COVID-19, svaka bolnica je dužna izraditi plan zadovoljenja povećanih potreba za COVID-19 kapacitetima. Plan mora biti jasan i precizan, koordiniran sa kriznim stožerom mjerodavnog ministarstva zdravstva, te sačinjen sukladno revidiranom dokumentu „Upravljanje slučajem COVID-19 i osiguranje kontinuiteta zdravstvenih službi- prijenos o zajednici“.

Također, ravnatelji i upravna vijeća mogu dozvoliti provođenje elektivnih hirurških programa i rada konsultativno specijalističkih službi shodno epidemiološkoj situaciji, na kantonu kao i dovoljnog broja zdravstvenog kadra u ustanovi koji im je na raspolaganju. Za prethodno navedene aktivnosti konsultirati krizne stožere kantonalnih ministarstava zdravstva.

9. Nalaže se kriznim stožerima kantonalnih ministarstava zdravstva da u svim zdravstvenim ustanovama na području kantona, bez obzira na oblik vlasništva, kao i kliničkim centrima u Federaciji BiH, intenziviraju rad bolničkih povjerenstava i bolničkih timova s ciljem sprječavanja širenja COVID-19 infekcije u zdravstvenim ustanovama sukladno članku 51. Zakona o zaštiti pučanstva od zaraznih bolesti, kao i odredbama Pravilnika o uvjetima i načinu provođenja mjera za sprječavanje i suzbijanje bolničkih infekcija („Službene novine Federacije BiH“, broj 84/10).

10. Mikrobiološku djelatnost - laboratorijsku izolaciju virusne RNA i identifikaciju uzročnika zarazne bolesti (SARS CoV-2) radi utvrđivanja dijagnoze na COVID-19 obavljaju laboratorije zdravstvenih ustanova verificirane od strane Federalnog ministarstva zdravstva, kao i Veterinarski fakultet Univerziteta u Sarajevu – Laboratorij za molekularno-genetička i forenzička ispitivanja, kao podrška javnom sektoru zdravstva, i to za vrijeme trajanja potrebe za obavljanjem ove djelatnosti u Federaciji BiH spram epidemiološke COVID-19 situacije u BiH i u svijetu.

Sve verificirane laboratorije, kao i Veterinarski fakultet Univerziteta u Sarajevu – Laboratorij za molekularno-genetička i forenzička ispitivanja, kao podrška javnom sektoru zdravstva iz stavka (1) ove točke dužne su čuvati originalne uzorke i ekstrakcije, na temperaturi od minimalno -20 °C, najmanje 14 dana računajući od dana testiranja, kao i voditi ažurne evidencije o korištenim internim i pozitivnim kontrolama u smislu utvrđenih vrijednosti istih.

11. U svrhu unaprjeđenja odgovora na pandemiju COVID-19, kod pacijenata sa izraženim kliničkim simptomima karakterističnim za ovo oboljenje (sukladno definiciji slučaja), osim PCR temeljnih testova, koji ostaju zlatni standard za dijagnostiku, preporučuje se i korištenje antigenskih testova (Ag-RDT).

Antigenski testovi se mogu koristiti u situacijama kada je PCR nedostupan ili kada je potrebno duže vrijeme za obradu. Antigenski testovi za detekciju SARS-CoV-2 moraju ispunjavati minimalne zahtjeve: $\geq 80\%$ senzitivnost i $\geq 97\%$ specifičnost u usporedbi sa referentnim PCR testom.

Testiranje Ag-RDT testovima se treba provoditi prema uputama proizvođača i unutar 5-7 dana nakon pojave simptoma. Negativan rezultat antigenog testiranja ne može u potpunosti isključiti aktivnu COVID-19 infekciju, te je kod simptomatskih pacijenata potrebno ponovljeno testiranje PCR testom.

Testiranje Ag-RDT testovima u svrhu dijagnostike provode zdravstvene ustanove.

Zdravstvena ustanova koja obavlja antigenska testiranja (Ag-RDT) dužna je redovito izvještavati zavod za javno zdravstvo kantona, a zavod za javno zdravstvo kantona se obvezuje podatke o rezultatima antigenog testiranja (Ag-RDT) dostavljati Zavodu za javno zdravstvo Federacije BiH.

12. U cilju brže i efikasnije laboratorijske detekcija koronavirusa SARS-CoV-2, nalaže se svim kantonalnim ministarstvima zdravstva da u suradnji sa zavodima zdravstvenog osiguranja kantona, kao i drugim zdravstvenim ustanovama, stave u funkciju sve resurse i kapacitete laboratorija verificiranih od strane Federalnog ministarstva zdravstva, kao i Veterinarskog fakulteta Univerziteta u Sarajevu – Laboratorij za molekularno-genetička i forenzička ispitivanja, kao podršku javnom sektoru zdravstva.

13. Nalaže se mikrobiološkim laboratorijama da redovito dostavljaju podatke Zavodu za javno zdravstvo Federacije BiH o testiranim osobama na SARS-CoV-2 i rezultatima testiranja, putem on-line platforme COVID-19.ba koja u realnom vremenu prikazuje podatke o COVID-19 u Federaciji BiH, a svakim danom do 12:00 sati za prethodni dan.

U slučaju da ovlaštene zdravstvene ustanove (privatne i javne), ne dostavljaju podatke putem on-line platforme COVID -19, a kako je definirano ovom naredbom, pokrenut će se postupak po službenoj dužnosti o stavljanja van snage Rješenja donesenog od strane Federalnog ministarstva zdravstva za obavljanje mikrobiološke djelatnosti - laboratorijska izolacija virusne RNA i identifikacija uzročnika zarazne bolesti (SARS CoV-2).

Nalaže se zdravstvenim ustanovama da redovito dostavljaju podatke o hospitaliziranim pacijenatima, uključujući i hospitalizirane pacijente u jedinicama intenzivne njege, pacijenatima na respiratoru, težini kliničke slike i ishodu liječenja (oporavljeni i umrli), nadležnim kantonalnim zavodima za javno zdravstvo, koji su dužni izvijestiti Zavod za javno zdravstvo Federacije BiH, putem on-line platforme COVID-19.ba, svakim danom do 12:00 sati za prethodni dan.

Sukladno važećem Pravilniku o načinima provođenja obvezne imunizacije, imunoprofilakse protiv zarazne bolesti, te osobama koje se podvrgavaju toj obvezi i dopunama navedenog Pravilnika (Službene novine Federacije BiH, broj: 12/21) nalaže se zdravstvenim ustanovama da redovito unose podatke o imunizaciji protiv COVID - 19 i putem baze vaccine.covid-19.ba.

Agregirani dnevni podaci o hospitaliziranim pacijenatima, uključujući i hospitalizirane pacijente u jedinicama intenzivne njege, pacijenatima na respiratoru, nadležni kantonalni zavodi za javno zdravstvo dostavljaju Zavodu za javno zdravstvo Federacije BiH, putem emaila (m.blazevic@zzjzfbih.ba) svakim danom do 11:00 sati.

14. Kriznim stožerima kantonalnih ministarstava zdravstva dostavljaju se, radi obvezne primjene, Ažurirane preporuke za otpuštanje osoba iz izolacije-COVID-19 sačinjene od Zavoda za javno zdravstvo Federacije BiH, te su dostupne na stranici zavoda www.zzjzfbih.ba.

15. Obvezuju se kantonalna ministarstva zdravstva, krizni stožeri kantonalnih ministarstava zdravstva i zdravstvene ustanove da ažuriraju podatke s brojevima telefona, radi kontinuirane dostupnosti svim zainteresiranim, te iste dostave Federalnom ministarstvu zdravstva, odnosno Kriznom stožeru Federalnog ministarstva zdravstva.

16. Naređuje se kriznim stožerima kantonalnih ministarstava zdravstva da najmanje jednom tjedno dostavljaju izvješće o svom radu Kriznom stožeru Federalnog ministarstva zdravstva.

17. Naređuje se svim pedijatrijskim službama primarne zdravstvene zaštite da izvrše reviziju zdravstvenih kartona i plana za imunizaciju djece u suradnji sa kantonalnim zavodima za javno zdravstvo i intenziviraju imunizaciju djece koja su propustila jedno ili više cjepiva iz programa obavezne imunizacije i to u roku od 30 dana od stupanja na snagu ove naredbe.

Odgovorna osoba za provedbu ove aktivnosti je direktor doma zdravlja, te je isti dužan podnijeti izvješće Zavodu za javno zdravstvo Federacije Bosne i Hercegovine i Federalnom ministarstvu zdravstva.

Zahtjeva se nadzor nad provedbom ove mjere od strane nadležne inspekcije.

18. Naređuje se svim centrima za mentalno zdravlje da se stave u punu funkciju kao podrška održavanju mentalnog zdravlja stanovništva. Odgovorna osoba za provedbu ove aktivnosti je direktor doma zdravlja, te je isti dužan podnijeti izvješće Zavodu za javno zdravstvo Federacije Bosne i Hercegovine i Federalnom ministarstvu zdravstva. Zahtjeva se nadzor nad provedbom ove mjere od strane nadležne inspekcije.

III. NAREDBE ZA POSLOVNE SUBJEKTE

1. Nalaže se svim pravnim i fizičkim osobama, koja zapošljavaju više od 20 djelatnika, a koji do sada nisu donijeli krizni plan pripravnosti i odgovora na pojavu COVID-19, da što žurnije donesu navedeni plan, kojim će biti usklađena organizacija rada navedenih subjekata sa datim preporukama i smjernicama Zavoda za javno zdravstvo Federacije BiH i kantonalnih zavoda za javno zdravstvo.

2. Nalaže se poslovnim subjektima da reorganiziraju rad svojih uposlenika, na mjestima gdje nije moguće ispoštovati distancu od 2m među uposlenima, tako što će reorganizirati radno vrijeme, organizirati rad u smjenama, omogućiti rad od kuće i primijeniti druge načine obavljanja radnih zadataka koji neće ugroziti djelatnosti i radne procese, a omogućit će poštivanje higijensko – epidemioloških mjera.

IV. SUPERMARKETI I VELETRGOVINE

1. U veletrgovinama i supermarketima se ograničava broj kupaca prema sljedećim kriterijima tako da se definira prosor od 10m² prodajnog objekta po potrošaču.

2. Bez obzira na veličinu prostora prodajnog objekta, nije dozvoljen boravak više od 400 potrošača.

3. Supermarketi i veledrogerije, kao i drugi objekti slične namjere dužni su na ulazu u objekt na vidljivom mjestu postaviti informacije o veličini prodajnog prostora i maksimalno dozvoljenom broju potrošača sukladno definiranom prodajnom porostoru/broj potrošača.

4. Supermarketi i veledrogerije, kao i drugi objekti slične namjere dužne su osigurati rad svih kasa/naplatnih mjesta.

5. Supermarketi i veledrogerije, kao i drugi objekti slične namjere dužne su osigurati COVID redare.

V. NAREDBE ZA UGOSTITELJSKE OBJEKTE

1. Dozvoljava se pružanje usluga u ugostiteljskim objektima u otvorenom i zatvorenom prostoru, samo sjedeća mjesta, uz obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera) sukladno toč. 2 – 6 ove naredbe. Pružanje usluga u ugostiteljskim objektima dozvoljeno je za maksimalno 30 osoba u zatvorenom prostoru i 70 osoba na otvorenom prostoru ugostiteljskog objekta, i to isključivo uz uvjet da veličina zatvorenog i otvorenog prostora ugostiteljskog objekta omogućava poštivanje navedenih mjera i preporuka zavoda za javno zdravstvo u Federaciji BiH.

2. Nalaže se kriznim stožerima kantonalnih ministarstava zdravstva da definiraju način i rad ugostiteljskih objekata.

VI. NAREDBE ZA USTANOVE KOJE ZBRINJAVAJU I SMJEŠTAJU STARIJE OSOBE, USTANOVE KOJE ZBRINJAVAJU I SMJEŠTAJU OSOBE S POTEŠKOĆAMA U RAZVOJU I OSOBE S DUŠEVNIM SMETNJAMA, KAZNENO-POPRAVNE USTANOVE I DRUGE USTANOVE SOCIJALNE ZAŠTITE

1. Dozvoljavaju se posjete osobama smještenim u ustanove socijalne zaštite koje zbrinjavaju i smještaju starije osobe, uz uvjet da ustanova mora imati interni plan za posjete u ustanovi, kao i krizni plan u slučaju pojave zarazne bolesti COVID-19.

Ostale ustanove socijalne zaštite, uključujući u ovo i ustanove socijalne zaštite koje zbrinjavaju i smještaju osobe s poteškoćama u razvoju i osobe s duševnim smetnjama, te kazneno-popravne ustanove, moraju imati interni plan za posjete i izlaske iz ustanove, kao i krizni plan u slučaju pojave zarazne bolesti COVID-19, te imaju obvezu postupaja po istom.

2. Dozvoljava se prijem novih korisnika u ustanovama socijalne zaštite uz uvjet da je prethodno provedena mjera izolacije od 14 dana i testiranje na COVID-19 nakon isteka roka od 14 dana izolacije koje mora rezultirati negativnim testom. Navedeno se primjenjuje i kod premještanja korisnika iz jedne ustanove u drugu, odnosno u slučaju premještanja korisnika iz zdravstvene ustanove u ustanovu socijalne zaštite. Obveza je ustanove socijalne zaštite osigurati prostor za izolaciju korisnika.

3. Zabranjena je organizacija grupnih putovanja za korisnike ustanova socijalne zaštite.

VII. NAREDBE ZA GRADSKI, PRIGRADSKI I MEĐUGRADSKI PRIJEVOZ

1. Dozvoljava se rad gradskog, prigradskog i međugradskog prijevoza uz obvezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).

VIII. NAREDBE ZA OBRAZOVNE USTANOVE

1. Obvezuju se krizni stožeri kantonalnih ministarstava zdravstva, da u suradnji sa kantonalnim ministarstvom nadležnim za promet razmotre mogućnost organiziranog javnog prijevoza u kojem će se prevoziti samo učenici osnovnih škola, a sve u cilju suzbijanja širenja COVID-19.
2. Provođenje nastave u kantonu organizira se uz uvažavanje preporuka donijetih od strane mjerodavnog zavoda za javno zdravstvo u Federaciji BiH (higijensko-epidemioloških mjera), kao i Preporuci za škole u kontekstu COVID-19 za školsku godinu 2020/2021 sačinjenu od Zavoda za javno zdravstvo Federacije BiH, a koja je sastavni dio ove naredbe. Shodno navedenom, model odvijanja nastave utvrđuje se isključivo u suradnji sa kantonalnim kriznim stožerom i zavodom za javno zdravstvo, uvažavajući epidemiološki situaciju.
3. U cilju sprječavanja širenja COVID-19, svaka obrazovna ustanova na području kantona mora imati krizni plan pripravnosti i odgovora na pojavu COVID-19 i imenovan operativni tim za praćenje implementacije kriznog plana.
4. Obvezuju se kantonalne uprave za inspeksijske poslove, kao i mjerodavni inspektori pri gradovima i oćinama, da nalože svim obrazovnim ustanovama u kantonu, u čijim prostorima i tijekom provođenja obrazovnog procesa može doći do prijenosa zarazne bolesti COVID-19, kao i drugih zaraznih bolesti, da uspostave i provodu redovite kontrole higijenskih i zdravstveno-tehničkih uvjeta u objektu i procesu rada, provođenje planova samokontrole sačinjenih sukladno načelima analize rizika i kritičnih kontrolnih točaka, a prema preporukama mjerodavnog zavoda za javno zdravstvo kantona. Navedeno uključuje i kontinuiran pojačan inspeksijski nadzor od strane mjerodavnih inspekcija u obrazovnim ustanovama s ciljem sprječavanja prijenosa COVID-19.
5. Održavanje pripravničkog i specijalističkog, odnosno subspecijalističkog staža zdravstvenih djelatnika u zdravstvenim ustanovama, te drugim institucijama u kojima se staž obavlja, polaganje stručnih, specijalističkih i subspecijalističkih ispita zdravstvenih djelatnika, kao i obavljanje pripravničkog staža i polaganje stručnih ispita u drugim strukama, odnija se uz striktno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera).
6. Nastava na fakultetima u novoj akademskoj godini 2020/2021 odvija uz striktno i kontinuirano pridržavanje higijensko-epidemioloških mjera za prevenciju COVID-19.

7. Odredba toč. 4. i 5. poglavlja VIII. ove naredbe primjenjuje se i na fakultete prilikom održavanja nastave u novoj akademskoj 2020/2021 godini.
8. Svi oblici nastave na fakultetima, kao i ostale poslovne aktivnosti (konsultacije sa studentima, ispiti, sjednice nastavnog vijeća i sl.), gdje god je to moguće, trebaju se održavati na daljinu primjenom informatičko-komunikacijske tehnologije (on-line nastava, putem konferencijskih poziva, e-maila, Skype-a i sl.). Okupljanje osoblja i studenata su jedino dopušteni tamo, gdje je to neophodno, za izvođenje nastave i ocjenjivanje (npr. održavanje neophodne praktične nastave), u manjim skupinama i uz pridržavanje higijensko-epidemioloških mjera za prevenciju COVID-19.

IX. NAREDBE ZA KAZALIŠTA I KINA

1. Izuzetno od točke 3. Poglavlja I. „Opće naredbe“ kojom je utvrđeno da je u zatvorenom prostoru dozvoljeno okupljanje ljudi ne više od 30 osoba, kazalištima i kinima dozvoljava se organiziranje predstava i projekcija filmova za ne više od 70 osoba, uz poštivanje higijensko-epidemioloških preporuka, te obveznu fizičku distancu od najmanje 2 metra između osoba, kao i pod uvjetom da veličina prostora u kojme se održavaju predstave i projekcije filmova omogućava provedbu navedenih mjera.
2. Krizni stožeri kantonalnih ministarstava zdravstva na temelju procjene COVID-19 epidemiološke situacije na području kantona, mogu reducirati broj osoba od maksimalno dozvoljenog broja osoba iz točke 1. Poglavlja IX. ove naredbe.

X. NAREDBE ZA SPORTSKA NATJECANJA I TRENAŽNE PROCESE

1. Dozvoljava se održavanje profesionalnih sportskih natjecanja u otvorenom i zatvorenom prostoru, ali bez prisustva publike, uz obvezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).
2. Dozvoljava se održavanje trenažnih procesa sportista svih profesionalnih sportskih klubova, uz obvezno pridržavanje preporuka donijetih od strane zavoda za javno zdravstvo u Federaciji BiH (higijensko-epidemioloških mjera).

XI. NAREDBE ZA MJERODAVNE INSPEKCIJSKE ORGANE I MJERODAVNE UPRAVE POLICIJA

1. Zadužuju se Federalna uprava za inspeksijske poslove, kantonalne uprave za inspeksijske poslove, kao i inspekcije organizirane pri mjerodavnim ministarstvima u kantonu, odnosno mjerodavni općinski i gradski inspektori da pojačaju inspeksijski nadzor svih inspekcija, a u cilju kontrole provođenja naređenih mjera i sprječavanja širenja COVID-19 na području svoje jurisdikcije, kao i kontrolu ove naredbe.
2. Zadužuje se FMUP – Federalna uprava policije i MUP kantona – Uprava policije sukladno točki IV. Odluke o proglašenju prestanka stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH”, br. 34/20 i 5/21), poduzimaju mjere iz svoje mjerodavnosti kao potpora inspeksijskim službama, a u cilju kontrole provođenja naređenih mjera i sprječavanja širenja COVID-19 na području svoje jurisdikcije.
3. Zadužuju se Federalna uprava za inspeksijske poslove, kantonalne uprave za inspeksijske poslove, kao i inspekcije organizirane pri mjerodavnim ministarstvima u kantonu, odnosno mjerodavni općinski i gradski inspektori da dostave Kriznom stožeru Federalnog ministarstva zdravstva, odnosno kriznim stožerima kantonalnih ministarstava zdravstva izvješća o pojačanom inspeksijskom nadzoru svih inspekcija, a u cilju kontrole provođenja naređenih mjera i sprječavanja širenja COVID-19 na području svoje jurisdikcije, te da navedena izvješća nastave dostavljati u kontinuitetu svakih 14 dana. Krizni stožeri kantonalnih ministarstava zdravstva navedena objedinjena izvješća za područje kantona dostavljaju Kriznom stožeru Federalnog ministarstva zdravstva.

XII. NAREDBA ZA ODRŽAVANJE SJEDNICA I RADNIH TIJELA PARLAMENTA FEDERACIJE BOSNE I HERCEGOVINE

1. Izuzetno od točke 2. Poglavlja I. „Opće naredbe“ kojom je utvrđeno da je u zatvorenom prostoru dozvoljeno okupljanje ljudi ne više od 20 osoba, dozvoljava se održavanje sjednica i radnih tijela Parlamenta Federacije Bosne i Hercegovine, uz poštivanje higijensko-epidemioloških preporuka Zavoda za javno zdravstvo Federacije Bosne i Hercegovine, koji su sastavni dio ove naredbe, kao i pod uvjetom da veličina prostora u kojem se održavaju sjednice i radna tijela Parlamenta Federacije Bosne i Hercegovine omogućava provedbu navedenih mjera.
2. Nalaže se Kriznim stožerima kantonalnih ministarstava zdravstva da na temelju procjene COVID-19 epidemiološke situacije i uz higijensko-epidemiološke preporuke zavoda za javno zdravstvo kantona, na području kantona, kao i općina, donesu naredbu za održavanja sjednica i radnih tijela zakonodavnih tijela kantona, kao i organa odlučivanja u jedinicama lokalne samouprave (gradska, općinska vijeća i sl.)

XIII- NAREDBA ZA ODRŽAVANJE PRETRESA U SUDOVIMA U FEDERACIJI BOSNE I HERCEGOVINE

1. Izuzetno od točke 3. Poglavlja I. „Opće naredbe“ kojom je utvrđeno da je u zatvorenom prostoru dozvoljeno okupljanje ljudi ne više od 20 osoba, dozvoljava se održavanje pretresa u Vrhovnom sudu Federacije Bosne i Hercegovine, uz poštivanje higijensko-epidemioloških preporuka Zavoda za javno zdravstvo Federacije Bosne i Hercegovine, koji su sastavni dio ove naredbe, kao i pod uvjetom da veličina prostora u kojem se održavaju pretresi omogućava provedbu navedenih mjera.
2. Nalaže se Kriznim stožerima kantonalnih ministarstava zdravstva da na temelju procjene COVID-19 epidemiološke situacije i uz higijensko-epidemiološke preporuke zavoda za javno zdravstvo kantona, na području kantona, kao i općina, donesu naredbe za održavanja pretresa u sudovima na području kantona, kao i općina.

Privitak 2.

PREPORUKE KRIZNOG STOŽERA FEDERALNOG MINISTARSTVA ZDRAVSTVA

1. Preporučuje se osobama starije životne dobi, naročito onima sa hroničnim bolestima, da izbjegavaju bespotrebna kretanja i korištenje javnog prijevoza, te da redovito koriste zaštitnu opremu. U slučaju prijeko potrebe za kretanjem, preporučuje se isto u periodu od 11.00 – 13.00 sati. Također, preporučuje se osobama starije životne dobi da maksimalno reduciraju odlaske u ordinacije kod obiteljskog liječnika i u bolnice, ukoliko im nije prijeko potrebna zdravstvena skrb. Preporučuje se najprije kontaktirati telefonom obiteljskog liječnika, ukoliko je osobi ove dobi potreban recept ili liječnički savjet.
2. Preporučuje se pučanstvu na području Federacije BiH, da zbog epidemije COVID-19 izbjegavaju javna i privatna okupljanja i ograniče svoja kretanja.
3. U slučaju pojave nekih od simptoma kao što su: povišena temperatura, kašalj, gubitak mirisa ili okusa, preporučuje se osobama sa simptomima, kao i članovima njihovog kućanstva da ostanu kući, te se telefonski jave nadležnom liječniku kako bi dobili daljnje upute.
4. Preporučuje se svim državljanima Federacije BiH da ne putuju u zemlje u kojima je prisutna visoka transmisija COVID-19, kao i ni unutar Bosne i Hercegovine, kako bi se spriječila lokalna transmisija virusa.
5. Preporučujemo svim državljanima Federacije BiH koji žive ili rade u zemljama u kojima je prisutna visoka transmisija COVID-19, da ne dolaze u Federaciju BiH, zbog povećanja rizika od unošenja COVID-19, a što bi dodatno moglo rezultirati daljnjem pogoršanju COVID-19 epidemiološke situacije u Federacije BiH.
6. Preporučuje se online model odvijanja redovne nastave u svim obrazovnim institucijama na području Federacije Bosne i Hercegovine gdje god je to moguće, odnosno gdje postoje uvjeti (informatičko-komunikacijske tehnologija) za implementaciju online modela.
7. Preporučuje se uposlenicima obrazovnih ustanova što kraće zadržavanje u zajedničkim prostorima obrazovnih ustanova (zbornice, kantine, hodnici i sl.), te obavljanje poslovnih aktivnosti (roditeljski sastanci, sjednice nastavnog vijeća, informacije za roditelje i sl.) usmjeriti na ostale mogućnosti poslovne komunikacije

primjenom informatičko-komunikacijske tehnologije (putem konferencijskih poziva, e-maila, Skype-a i sl.).

8. Preporučuje se svim pravnim subjektima da na području Federacije Bosne i Hercegovine, shodno radnim procesima i zadacima koje obavljaju, omoguće klizno radno vrijeme i rad od kuće, gdje god je to moguće.
9. Preporučuje se roditeljima da obustave pohađanje izvannastavnih i izvanškolskih aktivnosti svoje djece, te da izbjegavaju slična okupljanja, posebno u zatvorenom prostoru.
10. Vlade kantona, odnosno krizni stožeri kantonalnih ministarstava zdravstva, spram procjene epidemiološke situacije na kantonu, preporuke od pod toč. 1. do 9. mogu donijeti i u formi naredbe.

III- REALIZACIJA ZAKLJUČAKA ZASTUPNIČKOG DOMA PARLAMANETA FEDERACIJE BOSNE I HERCEGOVINE USVOJENIH NA 21.REDOVNOJ SJEDNICI ODRŽANOJ 27.04.2021. GODINE

S ciljem realizacije zaključaka Zastupničkog doma Parlamenta Federacije Bosne i Hercegovine, usvojenih na 21. redovnoj sjednici, održanoj 27.04.2021. godine, dostavljamo Vam u ovoj Informaciji materijal Zavoda za javno zdravstvo Federacije BiH toč.3, 5. i 6. predmetnih zaključaka, i to kako slijedi:

Odgovor na zaključak pod tačkom 3.

Izveštaji o procesu vakcinacije su sastavni dio Informacije o epidemiološkoj situaciji COVID-19 u Federaciji Bosne i Hercegovine.

Odgovor na zaključak pod tačkom 5.

Pregled donacija u periodu od 05.03.2020.godine do 31.12.2020 godine. Utvrđeni algoritam raspodjele donacija podrazumjeva postotak stanovništva po kantonima u ukupnom broju stanovnika u Federaciji BiH. Donacije su od strane donatora, dostavljene kantonalnim kriznim štabovima ili zdravstvenim ustanovama.

Tabela 1. sadrži pregled donacija od strane: EU/UNDP, donacije Turske, Azerbejdžana, Austrije, Poljske, Slovenije, Hrvatske, Srbije, Kine, Američke ambasade, Unicef, firma Abbvie, WHO, Dubai, Koreja, Katar

Tabela 1. Pregled donacija na području Federacije BiH

Federacija BiH	WHO	Donacije Evropske Unije	Donacija Vlade Turske	Donacija Vlade Azerbejdžana	Donacije Vlade Austrije	Donacije Poljske	Donacije Vlade Slovenije	Donacije Republike Kine	Donacije Republike Hrvatske	Donacija Vlade Katar	Donacija Američke ambasade	Donacije Unicef	Donacija Dubai	Donacija Koreja	Ukupna donirana količina opreme
Anesteziološki aparat		6													6
PCR mašina		2													2
Automatski DNA/RNA ekstraktor		2													2
Respirator		38											24		62
CT mašina		1													1
Testi za detekciju COVID-19	57.350	9.500													66.850
Kitovi (1 kit-100 kitom)	136													137	273
Brisevi													61.640		61.640
COMBO 19 Combo IgM/IgG brze testove								2.825							2.825
Ultrazvučni aparat- UZV		13													13
RTG aparat		9													9
EKG mašina		10													10
Troslojne medicinske maske FFP2		50.826								24.600					75.426
Troslojna medicinske maske FFP3		150								27.700					27.850
Maske N95	183.000									86.100			92.535		361.635
Hirurške maske	678.000	909.300	54.424		92.250		13.530	73.800	289.050	5.000			185.069		2.300.423
Rukavice	187.000	798.000			154.690		61.500		36.900				93.768		1.331.858
Zaštitna odjeła		13.400	1.198					129	3.505	130			15.422		33.784
Zaštitne nosače	5.600	1.300							1.230	18.450	200	936	12.584		40.300
Hirurški ogrtač	33.800	14.500								21.525					69.825
Važiri	105.400	15.700						1.230	615	7.687	500		30.844		161.976
Tečni sapun 5l/sapun		1.000		2.592											3.592
Dezinfekciona sredstva za ruke 5l				860	2.300										3.160
Dezinfekciona sredstva 0,1l		4.420		12.300							250				16.970
Sredstva za čišćenje 5l				984											984
Etolni alkohol 1l		1.000		2.460		6.765			1.230						11.455
Infracrveni termometri		107						24				400			531
Deke				514	929				307		150				2.000
Jastuk				1.230					1.230		150				2.610
Pešene		15.000									3240				18.240
Jednokratna navlaka na obuću		92.500													92.500
Hirurški kape		63.000													63.000
Vreće za spavanje							37		123						160
Šatori							6		61						67

Odgovor na zaključak pod tačkom 6.

Tabela 2. Pregled broja respiratora, bolničkih postelja i kadra po zdravstvenim ustanovama u Federaciji BiH

	Bolnice	Respiratori (raspoloživo stanje)	Ukupan broj postelja	Broj postelja intenzivne njege
Unsko-sanski kanton	Kantonalna bolnica Dr. Irfan Ljubijankić	22	511	77
	Stacionar Lječilište "GATA"	0	90	
	Opća bolnica Sanski most	7	87	
Poznaški kanton	Kantonalna bolnica Orašje	5	116	6
Tuzlanski kanton	UKC Tuzla	80	1339	101
	Opća bolnica Gračanica	5	101	
	Banja Ilidža Gradačac		170	
Zeničko-dobojski kanton	Kantonalna bolnica Zenica	53	738	0
	Opća bolnica Tešanj	18	225	16
	Centr za rehabilitaciju, Fojnica			
Bosansko-podrinjski kanton	Kantonalna bolnica Goražde	5	82	13
Srednjobosanski kanton	Kantonalna bolnica Travnik	32	340	29
	Bolnica za plućne bolesti i TBC Travnik	8	134	16
	Bolnica Fra Mato Nikolić Nova Bila	20	148	10
	Opća Bolnica Jajce	6	51	
	Opća bolnica Bugojno	1	55	
Hercegovačko-neretvanski kanton	Sveučilišna bolnica Mostar	73	773	35
	Kantonalna bolnica "Dr Safet Mujić" Mostar	13	198	18
	Poliklinika Arbor vitae, Mostar			
Zapadnohercegovački kanton	Opća bolnica Konjic	5	75	12
Sarajevski kanton	Univerzitetsko klinički centar Sarajevo	140	1472	155
	Psihijatrijska klinika Sarajevo		70	15
	Opća bolnica "Prim Dr. Abdulah Nakaš"	23	333	20
Kanton 10	Kantonalna bolnica Livno	5	207	
	UKUPNO	521	7315	523

Broj bolničkih kreveta za 2019 godinu iznosi 7315, dok broj kreveta intenzivne njege u svim bolnicama je 523. Stopa bolničkih kreveta iznosi 329,6/100.000 stanovnika. Samo pet bolnica u FBiH ima infektivne odjele na kojima ima ukupno 180 kreveta.

Zavod za javno zdravstvo Federacije BiH, uputio je dopis kantonalnim zavodima sa ciljem dostavljanja broja respiratora u zdravstvenim ustanovama. Bolničke zdravstvene ustanove posjeduju: 521 respiratora. U ovom momentu, broj respiratora u Sarajevskom kantonu je iz perioda 14.01.2021.godine, izvor FMZ.

Također, izvješćujemo Vas da je Federalno ministarstvo zdravstva dana, 05.05.2021.godine uputilo dopis svim kantonalnim ministarstvima zdravstva dopis broj: 01-33-2768/21 i kliničkim centrima u Federaciji BiH broj: 01-33-2769/21 sa zahtjevom za dostavu informacija u vezi navedenog Zaključka Zastupničkog doma Parlamenta F BiH. U skladu sa navedenim, izvješćujemo Vas da je do dana pisanje ove informacije stigao odgovor samo od Posavskog kantona i Kliničkog centra Univerziteta u Sarajevu, a što dostavljamo u prilogu ove informacije.

Navedeni dopisi su dostavljeni i u kopiji Vladi Federacije BiH i Predstavničkom domu Parlemanta Federacije BiH.